

聖濟總錄

三十四

庫文閣内

漢

内閣文庫

番號 漢 12609

冊數 200 ( 39 )

函號 300 212

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM, Kodak





大學東  
校典藉  
局之印



大德重校聖濟總錄卷第三十四  
中暍門

中熱暍

中暍悶絕

瘧病門

寒瘧

溫瘧

寒熱往來瘧

瘧瘧



大醫方脈經卷第三十四

中暍門

中暍門

中暍門

中暍門

中暍門

中暍門


中暍門

中暍門

中暍門

中暍統論

論曰盛夏炎熱人多冒涉路途熱毒入傷微者客於陽經令人嘔逆頭眩心神懊悶汗出惡寒身熱發渴即時不治乃至熱氣伏留經絡歲久不除遇熱即發俗號暑氣甚者熱毒入內與五藏相并客邪熾盛鬱滯不宣致陰氣卒絕陽氣暴隔經絡不通故奄然悶絕謂之中暍此乃外邪所擊真藏未壞若遇救藥氣通則甦但治熱暍不可以冷物得冷則不救蓋外以冷觸其熱蘊積於內不得宣發故也



中熱喝

論曰熱喝之病由冒犯暑熱邪氣也其脉絃細芤遲其狀汗出惡寒身熱而渴體重疼痛小便已則洒洒然毛聳四肢厥冷微勞動即熱口開齒燥經所謂脉虛身熱是為傷暑此不可汗下汗之則惡寒甚加溫鍼則發熱甚數下之則淋甚宜以除去熱邪之藥治之

治中熱喝頭痛汗出惡寒發熱而渴白虎湯方

知母陸兩

石膏碎壹斤

甘草貳兩

粳米陸合

右四味咬咀如麻豆大每服五錢匕水一盞半煎米

熟湯成去滓溫服日三一方加人參三兩

治伏暑吐逆小香薷湯方

香薷貳兩

人參壹兩

白藕豆兩半

右三味麤搗篩每服三錢匕水一盞煎至六分去滓

溫服不拘時候

治傷暑中暍解毒丸方

半夏

醋浸壹宿

甘草

炙剉各壹斤

赤茯苓

去黑皮貳兩

右三味搗羅為細末生薑自然汁和丸如梧桐子大每服四九加至八九新汲水下如昏悶不省者生薑

自然汁下

治傷暑煩渴不止竹筴湯方

竹筴壹合新 甘草壹分

烏梅可枚

右三味同用水一盞半煎取八分去滓放溫時時細

呷

治伏暑頭痛心胸煩悶旋運惡心不思飲食小抱龍丸

方

半夏醋浸壹宿銀石器中煮醋盡焙

甘草炙剉各等分

右二味搗羅為細末生薑自然汁煮稀麩糊丸如梧

桐子大陰乾每服十九新汲水下食後臨臥服

治中暑煩躁香薷散方

香薷貳兩

右一味搗羅為散每服二錢匕水一盞煎取七分不

去滓溫服不拘時候

治中暑煩躁多困乏力消暑散方

人參搗末

白麩等分

右二味和勻每服二錢匕新水調下不拘時候

治暑氣每到夏月即發四肢無力不思飲食檳榔餅方

檳榔剉

瞿麥穗

懷香子炒

荆芥穗

麥藍子

大黃煨剉各等分

右六味搗羅為末用麩三錢和作六餅慢火燒熟每

日空心爛嚼一餅溫酒下

治暑氣甘露散方

黃連

去須剉壹兩

吳茱萸

兩半

右二味同炒以茱萸黑色為度放地上出火毒不用

茱萸將黃連搗羅為細散每服半錢匕食後茶清或

新水調下

治一切伏熱煩躁困悶菝葜散方

菝葜

貫眾

摘碎刮去手各壹兩

人參

甘草

炙剉各半兩

右四味搗羅為散每服二錢匕水一盞煎至七分溫

服如熱渴即冷作飲

治傷暑胸膈躁悶昏運倒仆欲死解毒散方

商陸根

切開如血色者陰乾

右一味搗羅為散每服一錢匕新汲水調下牛馬驢

騾喘急熱發倒仆調三錢灌之立止

治暑毒及心經積熱大黃丸方

大黃

剉炒

甘草

剉炙

黃連

去須

惡實

微炒

荆芥穗

等分

右五味搗羅為末鍊蜜丸梧桐子大每服二十九溫

水下食後服若為散水調亦得

治暑毒燥悶甘露丸方

寒水石

火煨候冷夾絹袋盛井底浸柒日取出令乾研肆兩

天竺黃兩半

馬牙消兩

研貳

甘草兩壹

龍腦錢半

右五味為末糯米粥丸雞頭大每服一九生薑蜜水

磨下

治暑毒抱龍丸方

黃芩去黑心

大黃炒

黃藥子

生乾地黄焙

藍根小

甘草

炙到各壹兩

雄黃兩研半

龍腦研

麝香研各壹錢

右九味為細末牛膽汁和丸如彈子大每服一九冷

鹽湯嚼下

治暑毒煩渴狂躁嘔吐頭疼困倦不灰木散方

不灰木兩貳

滑石

寒水石

甘草剉各壹兩

蓼藍根壹兩半

右五味並生搗羅為散每服二錢匕研生粟米泔入

沙糖一棗大同化服不拘時候合時避日色火氣

治暑毒救生散方

脂麻新者參兩

右一味炒令黑色取出盤內攤冷碾為細末新汲水



調下三錢匕或丸如彈子大新水化下一丸凡著熱外不得以冷物逼外得冷即斃

治中暍解暑毒煩躁水壺散方

不灰木

燒

玄精石

生研

金星石

生研

銀星石

馬牙消

生各半兩

甘草

炙剉壹兩

消石

壹分

右七味各搗研為散先將甘草鋪在銚內次入諸藥炒良久移放地上以銚冷為度重研過每服一錢匕新汲水調下或生薑汁水調下

治中熱暍方

右用生麪一匙沸湯調及半碗紙蓋碗口少時微熱呷之大効  
中暍悶絕

論曰中暍之病令人悶絕者熱毒傷藏也蓋心藏神而惡熱若冒觸暑毒蘊稽於五藏則陰陽不能升降經絡不得宣通故奄然悶絕然真藏未壞救藥有方得氣宣即甦亦不可待其自甦又不可犯冷若外犯冷則與熱氣相拒氣愈不通而斃矣

治熱暍欲死悶亂方

生地黄

洗搗取汁壹盞

右一味旋旋灌之

治中暑毒熱暈不省方

白麪不拘多少

右一味用熱湯調二錢七灌之

中熱暈不省方

大蒜不拘多少  
去皮搗爛

右一味用新水調勻灌之

治中熱暈不省方

右以泥周遶暈人臍使三四人溺其中亦可屈革帶

或扣漆碗底或脫車缸安著臍上令溺不使流去然

此謂路途無湯可用乃令人溺取溫若有湯不必溺

也仲景不云泥及車缸蓋此物必冷暈人忌冷若得

熱湯和泥及火燒車缸方可用也

又方

右取生菖蒲不拘多少搗絞取汁微溫一盞灌之

又方

右先掘地作坑取蜜半盞傾坑中以新汲水兩盞投

之攪勻澄取漿一盞灌之

又方

右以物幹開口煖湯徐徐灌之仍少舉其頭令湯入

腹即蘇

又方

右取生蓼不拘多少用水濃煮絞汁一二盞灌之

治中熱暈死方

右取路上熱塵土以壅其心冷復易候氣通乃止

治熱暈欲死悶亂方

右以口噓其心上便擣地黃汁一盞灌之仍灸兩乳

頭各七壯

治中熱暈垂死備急陳橘皮湯方

陳橘皮

湯浸去白焙

乾薑

炮

甘草

炙

右三味各等分麤擣篩每服三錢匕以水一盞煎五七沸去滓稍稍令嚥勿頓與之以蘇為度

治中暈垂死備急救生丸方

乾薑

炮

甘草

炙

黃藥子

板藍根

各肆兩

犀角

鎊壹兩

右五味為細末鍊蜜丸如彈子大每服一丸熱湯化服立効

治心中熱則精神昏悶黃連散方

黃連

雞爪者不拘多少去須

右一味為細散每服三錢匕濃煎燈心湯調下得漉

則愈蓋心惡熱苦入心熱傳小腸則氣下通故得洩則愈燈心通利小便故也

治中暑暈毒悶亂昏沉凝水石丸方

凝水石

煨子內燒過如粉

乾薑

燒灰各壹兩

甘草

炙參錢

甜消

兩半

右四味搗羅為末鍊蜜丸如彈子大每服一九生薑

湯化下

治中暑毒悶亂不省人事萬金散方

硫黃

研

蛤粉

各壹兩

右二散研為細末每服一錢匕新汲水調下

治中暈昏悶吐逆頭痛出冷汗玉珠散方

硫黃

舶上者

滑石

色白者

凝水石

燒各壹兩

右三味搗研為散每服二錢匕艾湯調下

瘧病門

諸瘧統論

論曰夏傷於暑秋成瘧瘧該於時而作也方夏之時陰居於內暑雖入之勢未能動候得秋氣陽為之變汗出遇風乃成此疾故曰瘧瘧皆生於風蓄作有時其氣陰陽上下交爭虛實更作陰陽相移也陽並於陰則陰實而陽虛陽明虛則寒慄鼓頷巨陽虛則腰背頭項痛三

陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故欲冷飲皆得之夏傷於暑熱氣盛藏於皮膚之內腸胃之外此榮氣之所舍也令人汗空疎腠理開因得秋氣汗出遇風及得之於浴水氣舍於皮膚之內與衛氣并居衛氣者晝行於陽夜行於陰此氣得陽而外出得陰而內薄內外相薄是以日作其間日作者其氣之所舍深也其作之早晏者隨風府日下一節也是以或先寒後熱或先熱後寒或但熱無寒又或本於痰或本於瘴或本於鬼神或本於邪氣大槩外傳經絡內入五藏

證既不同治法亦異治瘡者不辨陰陽虛實槩以吐藥投之有非痰實而真氣受弊者固多矣內經論五藏諸經之瘡本以刺法補寫其寒熱先後與夫發止早晏又皆不同明邪氣所傳不可一概論今備載諸證參以治法之輕重要在隨證而治庶乎無一曲之蔽也

### 寒瘡

論曰寒瘡之狀內經所謂先寒後熱病以時作是也蓋傷暑汗出腠理開發因遇夏氣淒滄之水寒其氣藏於腠理皮膚之中秋傷於風則病成矣其證先起於毫毛伸欠乃作寒慄鼓頷腰脊俱痛寒去則內外皆熱頭痛

飲冷是也

治寒瘧先寒後熱頭痛不可忍熱極即汗出煩渴吳茱萸湯方

吳茱萸

湯浸焙

羌活

去蘆頭

甘草

炙

半夏

湯洗

乾薑

炮

芎藭

細辛

去苗

麻黃

去根

高良薑

藁本

去苗

桂

去蘆皮

右一十一味麤搗篩每服三錢匕水一盞煎至七分

去滓未發前溫服

治寒瘧神効檳榔湯方

檳榔

剉

桂

去蘆

常山

煎至一盞去

陳橘皮

湯浸去

甘草

炙剉各

右五味麤搗篩每服三錢匕酒半盞水一盞煎至一

盞去滓未發前溫服

治寒瘧不差橘皮散方

陳橘皮

湯浸去白

牡蠣

熬參

桂

去蘆

常山

各半

右四味為細散每服三錢匕溫酒調下未發前併三

服

治瘧先寒戰寒解即壯熱鼈甲常山酒方

龍甲

去裙襴醋炙壹分

淡竹葉

壹兩

常山

甘草

炙剉各參分

右四味麤搗篩每服五錢匕酒半盞浸藥蓋於地上一宿次日添水一盞煎至七分去滓未發前溫服得

吐為驗

治瘧寒多熱少茈胡桂薑湯方

茈胡

去苗肆兩

桂

去麤皮

黃芩

去黑心各壹兩半

栝樓根

牡蠣

熬

甘草

炙剉

乾薑

炮各貳兩

右七味麤搗篩每服三錢匕水一盞半煎至一盞去

滓溫服初服微煩汗出即愈

治寒瘧蜀漆散方

蜀漆

洗去腥焙

雲母

燒壹晝夜

龍骨

各壹兩

右三味為細散每服半錢匕未發前漿水調下

治寒瘧草豆蔻飲方

草豆蔻

去皮

高良薑

常山

青橘皮

湯浸去白焙

陳橘皮

湯浸去白焙各壹分

生薑

半

淡竹葉

壹握

黑豆

伍拾

右八味咬咀如麻豆都用水三盞煎至一盞半去滓未發時通口分溫二服

治寒瘧牡蠣湯方

牡蠣

熬

麻黃

去根節各肆兩

甘草

炙兩

蜀漆

洗去腥焙參兩

右四味麤搗篩每服四錢匕水一盞半煎至一盞去滓未發前溫服

治寒瘧胸滿人參湯方

人參

兩

蜀椒

去目及閉口者出汗壹分

乾薑

炮壹兩

阿魏

參分酒浸去砂石麩和作餅炙

右四味麤搗篩每服三錢匕水一盞煎至七分去滓溫服不拘時

治寒瘧烏梅丸方

烏梅肉

炒

桃人

去皮尖雙

常山

豉

炒各

升麻

肉苳蓉

酒浸切焙

桂

去麤皮

人參

甘草

炙剉各

右九味爲細末鍊蜜丸如梧桐子大每服二十九空心未發前溫酒下日二加至三十九

治寒瘧先寒後熱常山湯方

常山

甘草

剉生

乾薑

炮各

附子

炮裂去皮臍

芫胡

去苗各半兩

右五味咬咀如麻豆每以五錢匕酒一盞半煎至一



盞去滓分為二服空心未發前并食後各一服

治寒瘧無問遠近虎骨丸方

虎頭骨炙酥

烏梅肉炒

桂皮去麤

甘草炙

人參各半

桃人去皮尖雙

常山

升麻

肉苳蓉酒浸切焙

附子

炮裂去皮臍半兩

麝香研壹錢

豉炒壹合

右一十二味除桃人外搗羅為末和勻鍊蜜丸如梧桐子大每服三十九丸未發前米飲下

治寒瘧不痊二薑散方

乾薑炮

高良薑各參分

右二味炒令黑色搗羅為散每服一錢七未發前溫

酒調下日三不拘時

治寒瘧塗方

鼈甲

去裙襴醋炙半兩

烏賊魚骨去甲

附子炮裂去皮臍切

甘草炙

常山各壹兩

右五味搗羅為末每服五錢七酒一盞半煎十數沸留一宿次日以酒先塗手足并背上如不發即止如發即飲此酒一盞

治寒瘧塗之方

附子

壹枚生去皮臍

右一味搗羅為末未發時用苦酒和塗病人背上佳

溫瘧

論曰溫瘧之狀內經所謂先傷於風後傷於寒其證先熱後寒病以時作是也蓋風為陽氣寒為陰氣風氣先勝故先熱而後寒得之冬中風寒氣藏於腎內至骨髓至春陽氣大發邪氣不能自出至夏大暑腦髓爍肌肉消燠埋發泄或有所用力邪氣與汗俱出故氣從內之外也其法宜先治其陽後治其陰也

治溫瘧初發身熱頭痛不可忍臨醒時即寒慄戰動麻黃湯方

麻黃

去根節煎洗焙羌活

牡丹

獨活

去蘆頭

梔子

茈胡

桔梗

剉炒

升麻

荆芥穗

大黃

剉炒

半夏

木香

知母

焙

黃芩

去黑心各半兩

右一十四味麤擣篩每服三錢匕水一盞入生薑二片同煎取七分去滓未發時服

治溫瘧初壯熱後寒戰骨節痠痛口乾煩渴蘆根湯方

蘆根

剉壹兩

麥門冬

去心焙

升麻

葛根

剉各參分

山梔子

去皮半兩

石膏

壹兩

右六味麤搗篩每服五錢匕水一盞半入竹葉十片煎取一盞去滓溫服未發前連三服

治溫瘧骨節疼痛時嘔朝發暮解暮發朝解知母湯方

知母

焙乾參分

甘草

炙兩

石膏

碎參兩

粳米

壹合

桂

去麤皮半兩

右五味麤搗篩每服五錢匕水一盞半煎取一盞去

滓溫服未發前不拘時候

治溫瘧壯熱憎寒不能食地骨皮湯方

地骨皮

知母

剉焙各參分

鼈甲

去裙襴醋浸炙黃

常山

剉各半兩

石膏

碎壹兩

右五味麤搗篩每服五錢匕水一盞半入竹葉十片

煎至一盞去滓未發前溫服

治溫瘧寒少熱多冬瓜湯方

常山

細剉壹兩

甘草

炙兩

右二味麤搗篩每服二錢匕用冬瓜汁一盞煎七分

放溫未發前服

治溫瘧常山湯方

常山

剉半兩

鼈甲

去裙襴醋浸炙黃

甘草

生剉各壹兩

車前草

壹握切或用于參合

右四味麤搗篩每服三錢匕用漿水一盞浸藥一宿

當發前一日以急火煎取七分去滓溫服  
治溫瘧熱渴體痛松蘿湯方

松蘿兩半

烏梅肉炒

梔子去皮

鼈甲去裙襴醋浸炙黃各半兩

升麻分參

右五味麤搗篩每服三錢匕水一盞入茶末半錢七煎至七分去滓未發前空腹溫服

治溫瘧常山丸方

常山剉

烏梅肉炒

豉炒

天靈蓋酥炙黃各參分丹砂研

知母焙切

蜀漆各半兩

右七味搗羅為末鍊蜜和丸如梧桐子大每日空腹以溫酒下三十九丸漸加至三十九日三並未發前服治溫瘧壯熱微寒常山飲方

常山剉半兩

淡竹葉剉壹握

小麥壹合

右三味以水三盞漬藥一宿明日煎取二盞去滓未發前逐旋溫服

治溫瘧日漸羸瘦欲成骨蒸常山湯方

常山剉

猴骨炙黃各參分

烏梅肉炒

甘草炙剉各半兩

車前葉壹握

天靈蓋燒作灰壹分

右六味麤搗篩每服三錢匕水一盞煎至七分去滓

瘧未發前溫服微吐為効

寒熱往來瘧

論曰陰陽相勝而寒熱互作者以邪氣相并也故氣并於陰則為寒氣并於陽則為熱寒則振慄鼓頷以陰實陽虛故也熱則渴而飲冷以陰衰陽勝故也

治瘧發寒熱芫胡桂枝湯方

芫胡去苗肆兩

桂去蠶皮

黃芩去黑心

芍藥

人參各壹兩半

甘草炙壹兩

半夏

湯洗柒遍焙壹兩壹分

右七味麤搗篩每服六錢匕水二盞入生薑一棗大

拍碎棗二枚擘破煎至一盞去滓溫服

治瘧壯熱憎寒大便秘澀鼈甲湯方

鼈甲

醋炙去裙襖

赤芍藥

桃人

去皮尖雙人炒研

當歸

切焙

大青

天靈蓋

酥炙別搗末

知母

焙各參分

牽牛子

參分炒令半生半熟

乾薑

焙半兩

右九味除天靈蓋外麤搗篩每服三錢匕水一盞煎至七分去滓調天靈蓋末一錢匕未發前溫服仍留其滓重煎若先自利去牽牛子

治諸瘧疾先熱後寒頭痛四肢煩倦麻黃湯方

赤麻黃去根

烏梅肉炒

秦艽去苗

芫胡去苗

甘草炙

麥門冬去心

犀角鎊各

青蒿子壹兩

常山兩

右九味蠶搗篩每用五錢七水一盞半入桃柳枝心各七枚細剉豉五十粒煎至一盞入朴消少許更煎一二沸去滓分二服早晨及臥時溫服之

治瘧先寒後熱四肢黃瘦頭痛常山飲方

常山壹兩

豉壹合

葛根剉

此胡去苗

升麻

牡蠣熬

大黃剉

前胡去蘆

知母焙

山梔子人

枳殼去瓢麩炒 半夏湯洗柒偏

麥門冬去心

桃人去皮尖

甘草炙

犀角鎊各

右一十六味咬咀如麻豆大每用五錢七水一盞半入葱薤白各三寸切碎煎取一盞去滓分二服發前及發時熱服之

治瘧寒熱作時面色黃人參湯方

人參

常山各半

甘草生

陳橘皮湯浸去白

石四味蠶搗篩每服五錢七水一盞半入茶末半錢

七燈心五莖煎至七分去滓入酒半盞和勻候溫未發前頓服取吐如未吐再服以痰出盡爲度

治瘡經吐下後寒熱頭痛煩渴犀角湯方

犀角

鎊

甘草

炙各半兩

麥門冬

去心焙

升麻

知母

焙

鼈甲

醋炙去襖襖各參分

石膏

碎壹兩貳錢

右七味麤擣篩每服五錢七水一盞半煎至一盞去滓食前溫服未發前再服

治瘧疾寒熱丹砂丸方

丹砂

雄黃

各壹兩

砒霜

半兩

桃人

去皮尖雙人麩炒貳拾壹枚

麝香

阿魏

各壹錢

安息香

壹分

右七味各研極細再合研勻用糯米粥和丸如雞頭大每服半丸細嚼新汲水下取吐即愈  
治諸瘡發歇寒熱不定二豆丸方

菜豆

黑豆

去皮

丹砂

研各壹分

砒霜

研半兩

右四味先研二豆如麩入砒拌勻滴水丸如梧桐子大丹砂爲衣每服一丸發前取桃心七箇爛嚼冷水吞下如無桃心取桃枝煎湯放冷下

治諸瘡寒熱往來止而復發常山散方

常山末壹兩

砒霜研壹分

丹砂研壹錢

右三味研勻入白麪糊和作餅子油內煮焦黑為度再研極細每服半錢匕夜半冷茶清調下

治瘡疾作發寒熱三聖丸方

凝水石貳兩

砒霜壹兩

膩粉壹分

右三味研細用陳粟米飯和作挺子以濕紙十重裹慢火內燒令焦黑再研為末粟米飯和丸如菜豆大每服三丸夜半桃心水下

治諸瘡寒熱不已日漸萎黃常山飲方

常山半兩

烏頭炮裂去皮

甘草生用壹分

蒜壹顆剝辦者

糯米炒壹合

豉炒壹合

甌帶參寸

右七味麤搗篩以酒一升二合浸月下露一夜橫刀一口置藥上俟天明煎取五合去滓空心頓服良久吐出惡痰即愈如吐不已煮漿水粥止之

治寒熱往來瘡久不差鼈甲大黃丸方

鼈甲去裙襴醋炙

大黃生剉

常山

人參

蜀漆

甘草炙剉

附子炮裂去皮臍

白薇各參分



右八味搗羅爲末鍊蜜和丸如梧桐子大每服十五丸淡竹葉湯下平旦一服食後良久再服

治諸瘡寒熱往來附子丸方

附子

炮裂去皮臍

不大黃

剉炒各參分

常山

蜀漆

各壹兩壹分

右四味搗羅爲末鍊蜜和丸如梧桐子大每服三九米飲下未發一服臨發再一服

瘰癧

論曰瘰癧之狀內經所謂但熱不寒陰氣先絕陽氣獨發少氣煩冤手足熱而欲嘔是也得之邪熱留於身中

厥逆上衝中氣實而不外泄因用力腠理開風寒舍於皮膚之內分肉之間而發發則陽氣盛不及於陰故但熱不寒氣內藏於心外舍於分肉之間令人消爍脫肉名之曰瘰癧以單陽無陰故也  
治瘰癧發作有時但熱不寒頭痛不安通身俱黑大腸秘熱小便黃赤茵陳蒿湯方

茵陳蒿

山梔子

去皮

茈胡

去苗

黃芩

去黑心

桔梗

炒

牡丹皮

貝母

去心

荆芥穗

去梗

升麻

杏仁

湯浸去皮尖雙人炒

半夏

湯洗去滑切焙

羌活

去蘆頭

獨活去蘆頭

麻黃去根節煎去沫焙各半兩

細辛去苗葉壹分

右一十五味麤搗篩每服三錢匕水一盞生薑二片

煎一沸急瀉出臨發熱頭痛時去滓熱服仍須食後

但此瘧止發熱并初發時先壯熱者可服

治瘧瘧上焦熱身重目黃茵陳枳殼湯方

茵陳蒿取葉

枳殼去瓢麩炒各壹兩

桔梗剉炒參分

大黃剉微炒

甘草炙令黃各半兩

右五味麤搗篩每服三錢匕水一盞煎至六分去滓

溫服不計時候

治瘧瘧陰氣孤絕陽氣獨發脉微其候少氣煩滿手足熱欲嘔但熱而不寒邪氣內藏於心外舍於分肉之間令人消爍脫肉者白虎加桂湯方

石膏

碎壹兩陸錢

知母陸錢

甘草

炙貳錢

粳米

半合

右四味除粳米外咬咀拌勻以水一升煮藥五錢匕以米爛為度去滓加桂末三錢匕煎取四合作一服覆令汗先寒發熱汗出者愈

治瘧瘧但熱不寒嘔逆不下食香豉飲方

豉

半合

葱白切

半斤

常山

分

升麻壹兩

龍甲

醋炙令黃

知母焙

生地黄各壹兩半

檳榔煨參分

右八味剉如麻豆每以十錢匕以水三盞於星月下浸一夜橫刀一口安在藥上早晨煎取一盞半去滓空腹分為二服重者不過兩劑差

治瘰癧積熱痰盛寒少熱多但熱不寒煩躁引飲大青

飲方

大青

壹兩莖葉紫者是不紫即是遠志不可用也如無真者以青黛代之

大黃醋炒

赤芍藥

常山細剉炒

甘草炙

龍膽去土各半兩

右六味麤搗篩每服五錢匕用水一盞半煎至八分去滓溫服氣盛熱多宜服得利或熱稍退即止入宿有冷疾年四十以上者雖有熱證不宜多服

治瘰癧發熱不止常山散方

常山剉壹兩

升麻參分

龍甲去裙襴剉生用

山梔子去皮各半兩

右四味搗羅為散每服三錢匕未發前用溫水調下取吐即差

治瘰癧鼓心飲方

鼓心壹合

雄鼠糞末炒貳錢七

童子小便參升伍合

甘草炙半兩

鼈甲醋炙去裙襴

苡胡去苗各壹兩壹分

山梔子去皮參分

烏梅染枚去核

桃心壹握

柳心壹握

生地黄汁合貳

生薑壹分

右一十二味除鼠糞地黄汁小便外餘並細剉入小便中浸一宿明日煎取八合去滓下鼠糞并地黄汁分爲三服空心一服食後再服

治瘰癧熱甚不差梔子湯方

梔子人壹兩

常山剉參分

車前葉炙乾半兩

粳米肆拾玖粒

右四味麤搗篩每服五錢匕水一盞半煎至一盞去

滓溫服未發前一服臨發一服以吐利爲度利若不  
止以冷飯止之

治瘰癧石膏湯方

石膏碎貳兩

白秫米伍拾粒

常山剉參分

右三味麤搗篩每服五錢匕以水一盞半入淡竹葉  
七片細剉煎至一盞去滓空腹溫飲一服欲發時一  
服正發時一服三服訖淨室中臥勿與人語過發時  
後卽得洗手面及飲食七日內禁房室及酒麪久瘡  
不過再劑一方加烏梅肉二七枚

治瘰癧麻黃丸方

麻黃去根節

常山剉

知母剉焙

甘草炙

大黃生剉各半兩

右五味搗羅為細末鍊蜜和丸如梧桐子大每服五丸溫水下未發前服日二服不差稍增之

治瘧瘧壯熱不止渴欲飲水車前草湯方

車前草

常山剉

升麻

豉炒

甘草生各半兩

白粳米半合

右六味麤搗篩每五錢匕以水二盞宿浸藥於星月下橫一小刀於藥上入五更煎取一盞去滓分溫二服空腹及未發前各一服良久即吐吐定食少漿水

粥

治瘧瘧但熱不寒煩渴不止常山飲方

常山剉炒半兩


甘草剉炒壹分

烏梅柴枚推碎去核焙

青蒿焙壹分

右四味麤搗篩都以小便一盞水一盞酒一盞煎至一盞去滓當發日空心服

大德重校聖濟總錄卷第三十四



去平當覺日空心思  
...

...

...

...

